

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2013-yil 13-aprel, shanba № 27 (15665)

ЎЗБЕКИСТОН ПРЕЗИДЕНТИНИНГ РОССИЯГА ТАШРИФИГА ДОИР

Ўзбекистон Республикаси Президенти Ислам Каримов Россия Федерацияси Президенти Владимир Путиннинг таклифига биноан 2013 йил 14-15 апрель кунлари расмий ташриф билан Россияда бўлади.

Ташриф доирасида давлат раҳбарлари икки томонлама ҳамкорликни янада ривожлантириш масалаларини муҳокама қиладилар, минтақавий ва халқаро аҳамиятга эга долзарб муаммолар юзасидан фикр алмашадилар.

Ташриф якунлари бўйича 2013-2017 йилларга мўлжалланган Иқтисодий ҳамкорлик дастурини, Сармояларни рағбатлантириш ва ўзаро ҳимоя қилиш тўғрисидаги битим ҳамда икки мамлакат Президентлари томонидан 2012 йил 4 июнь куни Тошкент шаҳрида имзоланган Ўзбекистон Республикаси билан Россия Федерацияси ўртасида Стратегик шерикликни чуқурлаштириш тўғрисидаги декларацияда белгиланган мақсад ва вазифаларни амалга оширишга қаратилган бошқа ҳужжатларни имзолаш режалаштирилмоқда.

Саҳнада — болажонлар

Миллий санъат марказида «Ўзбекистон маданияти ва санъати форуми» жамғармаси, «Осиё рамзи» Ўзбекистон дизайнерлар ва модельерлар уюшмаси ҳамкорлигида «Болажонлар — ширинтойлар» анъанавий болалар мода фестивали бўлиб ўтди.

Мамлакатимизда Президентимиз Ислам Каримов раҳнамолигида миллий либослар ва дизайн санъатини янада ривожлантириш, ёш модельерларнинг ижодий изланишларини ҳар жиҳатдан қўллаб-қувватлашга алоҳида эътибор қаратилаётгани миллий либослар тарихи, уларнинг ўзига хос мактаб ва анъаналарини пухта ўрганиш, ёшларнинг бадиий-эстетик дидини тўғри шакллантириш, модельерлар, расм ва дизайнерлар, қўли гул чеварларнинг ижодини халқимизга яқиндан таништиришда муҳим аҳамият касб этмоқда. Бу борада «Ўзбекистон маданияти ва санъати форуми» жамғармаси томонидан ҳам қатор ижодий лойиҳалар ҳаётга самарали татбиқ этилмоқда.

Анъанавий «Болажонлар — ширинтойлар» фестивалидан кўзланган асосий мақсад болалар либослари йўналишида изланаётган дизайнерлар меҳнатини рўёбга чиқариш, кичкинтойлар учун маҳаллий хомашё асосида қўлай, бежирим, экология ва санитария талабларига жавоб берадиган кийим-кечаклар тайёрлашни ҳар жиҳатдан қўллаб-қувватлашдан иборат. Ўтган вақт мобайнида ушбу фестивалда муваффақиятли иштирок этган ёш дизайнер ва модельерлар мода саноатининг етакчи мутахассислари иштирокидаги маҳорат сабоқларидан баҳраманд бўлиши билан бирга, «Art Week.Style.uz» санъат ҳафталиги, «Асрлар садоси» анъанавий маданият фестивали, «Келажак овози» республика кўрик-танлови каби ижодий лойиҳаларда ўз тўпламларини кенг жамоатчилик эътиборига ҳавола этиб келмоқда.

(Давоми 2-бетда)



Юксакларни кўзлаб

Сардор Муллажонов фотоколлажи

Yoshlarga doir davlat siyosati — amalda

Андижонда «Камолот» боғи

Андижон шаҳрида «Камолот» ёшлар боғининг очилишига бағишланган тадбир бўлиб ўтди. Унда вилоят ҳокимлиги, «Камолот» ёшлар ижтимоий ҳаракати Марказий Кенгаши, кенг жамоатчилик ва ёшлар вакиллари иштирок этди.

«Камолот» ёшлар ижтимоий ҳаракати Марказий Кенгаши раиси Б.Фаниев ва бошқалар Президентимиз Ислам Каримов раҳнамолигида ёшларнинг таълим-тарбия олиши, спорт билан шуғулланиши, ишлаши, дам олиши, ўз иқтидор ва салоҳиятини тўлиқ

намоён этиши учун кенг имкониятлар яратиб берилаётганини таъкидлади. Андижонда барпо этилган мазкур ёшлар боғи ҳам ана шу эзгу ишларнинг мантиқий давомидир.

Шаҳар ҳудудидаги 4,5 гектарлик боғ «Камолот» фаоллари ташаббуси би-

лан кўркам қиёфа касб этди. Қисқа муддатда бу ерда кенг кўламли бунёдкорлик, ободонлаштириш ва кўкаламзорлаштириш ишлари амалга оширилди. Юз туп манзарали дарахт, 500 тупдан зиёд гул кўчатлари экилди. Шунингдек, 22 замонавий аттракцион, улкан фаввора барпо этилди. Боғда бир пайтнинг ўзидики икки минг нафардан зиёд аҳоли дам олиши мумкин.

Тадбир доирасида вилоятдаги болалар мусиқа ва санъат мактаблари

тарбияланувчилари томонидан тайёрланган расмлар кўргазмаси намойиш этилди. Унда истиқлол ва юрт мадҳи, бахтиёр болалик, она табиат, юртимизнинг бетакрор манзаралари акс эттирилган ижодий ишлар барчада катта таассурот қолдирди. Таниқли эстрада хонандалари ижросидаги куй-қўшиқлар иштирокчиларга кўтаринки кайфият бахш этди.

Ф.УБАЙДУЛЛАЕВ,
ЎЗА мухбири

Тараддуд

Harakatning viloyat kengashlarida

Қашқадарёга отландим. Йўл олис бўлса-да, йўл бўйлари, ям-яшил далалар чарчоқ ўрнига завқ бағишларди. Қир-адирларда қийғос очилган лолақизгалдоқ, улоқ-қўзиларнинг сакраб-сакраб ўйнаши, бу ўзгача олам... Бугун вилоятда катта бунёдкорлик ишлари олиб бориляпти. Кўп қаватли замонавий тураржойлар, маиший хизмат кўрсатиш шохобчалари, кенг ва равон йўллар... Қаршининг марказий кўчасида жойлашган вилоят «Ёшлар» маркази шаҳар кўрғига кўрк қўшиб турибди. Унга уйғунлаштирилиб бунёд этилган «Камолот» ва «Камалак» ҳамда «Келажак овози» ёшлар ташаббуслари маркази бинолари яхлит мажмуани ташкил этади. Мажмуа агрофи ёшлар билан гавжум. Демак, қандайдир тадбир бор. Бу ердан «Камолот»чиларни сўраганимизда, йиғилишда, дейишди. Бироздан сўнг вилоят «Камолот»чилари чиқиб келишди. Қисқа салом-алиқдан сўнг вилоятда 18-20 апрель кунлари ёшлар фестивали ўтишидан хабардор бўлдик.

БИЗ — БУЮК ЮРТ ФАРЗАНДЛАРИМИЗ!

Ҳар йили мустақиллик байрами олдидан «Камолот» ёшлар ижтимоий ҳаракати томонидан ҳудудларда ёшлар фестивали ўтказиб келиняпти. Мустақиллигимизнинг 22 йиллиги муносабати билан «Биз — буюк юрт фарзандларимиз» шiori остида ўтказилаётган ёшлар фестивали Қашқадарё воҳасидан бошланмоқда. Уч кун давом этадиган ушбу фестиваль республикадаги таниқли олимлар, ёзувчи-шоирлар, санъаткор ва спортчилар иштирокида вилоятдаги барча туман ва шаҳарларда бўлиб ўтади. Жойларда «Депутат ва ёшлар», «Сиз севган қахрамонлар» ва «Замонамиз қахрамонлари», «Истиклол истеъдодлари», «Оммавий маданият» ва ёшлар маънавияти», «Биз — соғлом турмуш тарзи тарафдоримиз!», «Иқтидор эгаси — обод юрт эртаси», «Ҳеч ким меҳр ва эътибордан четда қолмасин!» лойиҳалари, «Виждонли сотувчи» акцияси, «Президент асарлари билимдони» мавзуида семинар ташкил этилиб, «Мустақиллик фарзандлари» номли концерт дастури билан яқунланади.

— Вилоятимизда ёшлар фестивалига катта тайёргарлик кўрилмоқда, — дейди «Камолот» ЁИХ вилоят кенгаши раиси ўринбосари Собир Мусулмонов. — Ҳозир

барча ташкилий ишларга масъуллар тайинланиб, аниқ чора-тадбирлар ишлаб чиқилган. Биринчи кун фестивал доирасидаги лойиҳалар ва гала-концерт Нишон, Муборак, Касби, Миришкор, Деҳқонobod, Қамаш туманларида, иккинчи кун Яққабоб, Чироқчи, Китоб, Шаҳрисабз, Фузур, Косон туманларида, учинчи кун Қарши шаҳри ва Қарши туманида бўлиб ўтади. Якуний гала-концерт дастури Қарши шаҳридаги амфитеатрда яқунланади. Унда вилоятда турли соҳаларда юқори натижаларга эришаётган истеъдодли ёшлар тақдирланади.

МАЪНАВИЙ ҲАЗИНАМИЗ БОЙ БЎЛСА...

Ҳаракатнинг вилоят кенгаши ёшлар маънавиятини оширишга, уларни иллатлардан огоҳ этишга, «оммавий маданият»га қарши курашиш учун кенг тарғибот ишларини олиб бормоқда. Бунда Ҳаракатнинг маданият ва маънавий-маърифий ишлар бўлими махсус дастурлар асосида ишламоқда. Ушбу бўлим ўқувчи-ёшлар орасида «Тафаккур», «Эҳтиёт бўлинг, лудомания!», «Ёшларнинг маънавий-ахлоқий дунёси», «Навоий ва Бобур ижоди — миллий маънавий ҳазинамиз», «Бетакрор шахсият, самимий шеърят», «Ёшлар орасида гиёҳвандлик воситаларининг

тарқалишига қарши кураш» каби йирик тадбир ва лойиҳаларни ўтказиб келяпти.

— Вилоят ҳокимлиги ҳамкорлигида жорий йилнинг июль ойига қадар Қарши шаҳридаги мактаб, академик лицей ва касб-хунар коллежларида «Мустақиллик ёшларимиз: янгиликлар, тажрибалар ва ютуқлар» лойиҳаси ўтказилади, — дейди Ҳаракатнинг вилоят кенгаши бўлим мудир Гавҳар Татаева. — Лойиҳа аввалида Қарши давлат университети, Қарши муҳандислик-иқтисодиёт институти, Тошкент ахборот технологиялари университети Қарши филиалининг фаол талабаларидан иборат тарғиботчилар гуруҳи шакллантирилди. Эндилқда ушбу тарғиботчилар томонидан «тенгдош-тенгдошга» тамойили асосида таълим муассасаларида семинар-тренинглар ташкил этиляпти. Улар ёшларни ижтимоий-маънавий ҳаётимизга таҳдид солувчи ахборотлар оқимидан ҳимоялаш, бундай ахборотларга нисбатан маънавий иммунитет ҳосил қилиш ҳамда интернет сайтларидан тўғри ва самарали фойдаланишга оид тавсиялар бермоқда. Шунингдек, ўқувчи ва талабаларга «Диний ақидапарастлик ва миссионерликка қарши кураш, конфессиялар ва миллатлараро тотувлик ва бағрикенглик» мавзуида тарғибот ишларини олиб бормоқда.

«Мустақиллик ёшларимиз: янгиликлар, тажрибалар ва ютуқлар» лойиҳаси май ойида умумтаълим мактабларида, июнь ойида академик лицей ва касб-хунар коллежларида ўз ниҳоясига етади. Тажриба сифатида биринчи бўлиб Қарши шаҳрида ўтказилаётган ушбу лойиҳа янги — 2013-2014 ўқув йилидан бошлаб туман ва шаҳарларда ҳам ўтказилиши режалаштирилган.

БИЛИМДОНЛАР БАҲСИ

Вилоят кенгашининг иқтидорли ёшлар ва ёш олимлар билан ишлаш бўлими ҳам янги лойиҳалар ташаббускори. «Тафаккур», «Билимдонлар баҳси», «Етакчи: кеча, бугун ва эртага!», «Миллий ўйинлар» шулар жумласидан. Ушбу бўлим вилоят телерадиокомпанияси билан ҳамкорликда ёшларнинг истеъдод ва қобилиятларини қўллаб-қувватлаш, уларнинг иқтидорини намойиш этиш ва халққа таништириш мақсадида «Тафаккур плюс» лойиҳасини ташкил этди. Лойиҳа доирасида талабалар ўртасида «Тафаккур» интеллектуал ўйини, ўрта махсус, касб-хунар таълими муассасалари ўқувчилари ўртасида «Билимдонлар баҳси» кўрик-танловини ўтказиб, «Қашқадарё» телевидениеси орқали намойиш этиб бормоқда.

— Ушбу интеллектуал ўйинлар ёшларнинг ақл-заковатини янада оширмоқда, — дейди бўлим мудир Абулвафо Тиловатов. — Билимдонлар баҳсида иштирок этувчилар сони ҳам ортмоқда. Ҳарбий қисмларда ҳам жамоалар шакллантирилиб, фаол қатнашмоқда. Ҳарбий қисмнинг Жамшид Тожиёв, Қарши муҳандислик иқтисодиёт институтининг Элёр Широев, Қарши давлат университетининг Искандар Пиров, Қарши иқтисодиёт коллежининг «Насаф», Муборак иқтисодиёт коллежининг «Муборак» жамоалари билимдонлар жамоаси саналади. Вилоятда ушбу жамоаларга ҳавас қилиб, янги жамоалар

ҳам ташкил этиляпти. Бундан барчамиз хурсандимиз.

ТАКРОРЛАНМАС ЛОЙИҲАЛАР

Вилоят «Камалак» болалар ташкилоти бетакрор лойиҳалар яратишга интилади. «Мен ҳам аскар бўламан», «Камалак» маликаси» лойиҳаси эса бошқа ҳудудларда учрамаган лойиҳалардан ҳисобланади. «Мен ҳам аскар бўламан» танлови ҳарбийлаштирилган мактабда таҳсил олаётган «Камалак» болалар ташкилоти аъзолари ўртасида бўлиб ўтади. Иштирокчилар танишув, («Менинг юртим, менинг мактабим — бу менинг фахрим!»), савол-жавоб («Билими зўр мингми йиқар!»), саҳна кўриниши («Бизким ўзбеклар — буюк сиймолар авлодимиз!»), сафда юриш ҳамда спорт бизни дўстлаштирар каби шартлар асосида беллашади.

— Олдинлари ушбу лойиҳа ҳарбий қисмларда ўтказилган, — дейди вилоят «Камалак» болалар ташкилоти раиси Назира Назарова. — Ўқувчилар эса фақат ҳарбий қисмлар билан таништирилар эди. Икки йилдирки, иштирокчилар турли шартлар асосида беллашмоқда. «Камалак» маликаси» танлови ҳам янги лойиҳаларимиздан. Унда «Камалак» ёшидагилар танишув, хунарим менинг, сирли шарт, пазандалик, эркин мавзу шартлари бўйича ўз маҳоратларини намойиш этишади.

Айни кунда «Камалак» болалар ташкилоти вилоят Болалар ва оилаларни қўллаб-қувватлаш ассоциацияси билан ҳамкорликда «Маҳаллий масалаларни ҳал этишда ёшлар иштироки» лойиҳаси доирасида «Болаларнинг соғ бўлиш ҳуқуқи» мавзуида семинар-тренинглар ўтказмоқда. Тренингларда Бола ҳуқуқлари тўғрисидаги конвенциянинг мазмун-моҳияти болаларга тушунарли тарзда етказилмоқда. Болаларнинг тақлиф ва муаммолари тингланиб, соҳа мутахассислари томонидан ҳал этишга қўмаклашилмоқда.

Рустам ЮСУПОВ,
«Turkiston» мухбири

Саҳнада — болажонлар

(Давоми, боши 1-бетда)

Мазкур фестивалга тақдим этилган кўплаб ижодий ишлар малакали мутахассислар томонидан сараланиб, улардан либослари энг яхши деб топилган 40 нафар дизайнернинг коллекцияси «Болажонлар — ширинтойлар» лойиҳасига тақдим этилди. Айни пайтда икки ярим ёшдан ўн тўрт ёшгача бўлган болалар мазкур фестивалда модель сифатида иштирок этиш имконига эга. Бу галги фестивалда олий ва ўрта махсус таълим масканларининг талабалари, «Баркамол авлод» болалар ижодиёти марказлари, мода ва дизайн мактаблари, арт-студияларда ижод қилаётган модельерлар-

нинг тўпламлари кенг жамоатчилик эътиборига ҳавола этилди. Аҳамиятли жиҳати — мазкур фестивалга тақдим этилган болалар либосларининг дастлабки намуналари кейинчалик мамлакатимиздаги тўқимачилик ва енгил санат корхоналарида кенг миқёсда ишлаб чиқариш учун тавсия этилади.

Фестиваль қатнашчиларидан бири — 17 ёшли Мадина Қаландарова Республика рассомлик коллежининг либослар дизайни йўналиши бўйича 2-курсда таҳсил олади. У мактабгача таълим муассасаларида ўтказилган «Эрталик» тадбирлари, болалар байрамлари учун ўн тўрт кўйлақдан иборат тўпламини томошабинлар эътиборига ҳавола этди. Ёш ди-

зайнернинг айтишича, кийимларнинг бичими, тайёрланиш жараёнида матолар ва фасонларининг ўзаро уйғунлиги, бири бири билан мутаносиблиги алоҳида эътибор қаратилган. Чевар қиз тайёрланган кийимлар кўркамлиги билан бирга, ортиқча ҳашамлардан холи экани билан ажралиб туради.

Розия Ирисмухаммадова — Шайхонтохур туманидаги «Баркамол авлод» болалар ижодиёти марказининг дизайн тўғраги раҳбари. У мазкур фестивалда «Шарқ жилolari» тўплами билан қатнашди.

— Ўн беш хил кийимни ўзида мужассам этган либослар коллекциямда болаликнинг беғубор дунёсига мос тасвирларни акс эттиришга ҳаракат

қилдим, — дейди Розия. — Бундай кўйлақларни байрам тадбирларида ҳам кийиш мумкин.

Икки кун давом этган фестивалда қатнашчилар томонидан тайёрланган болалар кийим-кечаклари тўпламлари мактаб либослари, кўчага кийиладиган кўйлақлар, байрамона кийимлар, авангард йўналиши, миллий услуб, қўл меҳнати асосида тайёрланган кийимлар, матога гул чизиш, замонавий, ихчам ва қулай либослар каби номинациялар асосида баҳоланди. Либослар тўплами энг яхши деб топилган дизайнер ва модельерларга диплом ва совғалар топширилди.

Назокат УСМОНОВА,
ЎЗА мухбири

Ilmiy anjuman

Г.В.Плеханов номидаги Россия иқтисодиёт университетининг Тошкент шаҳри филиали VII анъанавий талабалар илмий-амалий анжумани бўлиб ўтмоқда. Анжуман талабаларнинг илмий-тадқиқот ишларини ташкил этиш доирасида уюштирилди.

Тажрибалар алмашинуви

Анжуманда 2-курс магистрантлари, 4-курс талабалари, шунингдек, илмий тўғрақларда фаол иштирок этувчи ёшлар иштирок этипти.

Аксарият маърузалар инглиз тилида янграётганлиги анжуманнинг ўзига хос жиҳатларидан бири, дейиш мумкин. Яна эътиборлиси, анжуман муносабати билан магистратура ва бакалаврият босқичи талабаларининг маърузалари тезислар тўплами чоп этилди. Ушбу тўпламга VII талабалар илмий-амалий анжуманининг материаллари ҳам киритилган.

Бугун ушбу илмий-амалий анжуман ўз ниҳоясига етади.

Жавоҳир КАРОМАТОВ

Институтда 1 кун

Бу гал Наманган муҳандислик-технология институтида бўлди.

Айни сессия даври бўлгани учун институт ҳовлиси талабалар билан гавжум. Ҳамма ўз ташвиши билан банд. Лекин бизнинг «Камолот» ўз ҳаракатида давом этмоқда.

Беш-олти нафар йигит-қиз билан қизгин муҳокама ўтказаетган «Камолот» ЁИХ институт бошланғич ташкилоти етакчиси Муҳаммад Абдуллаевни суҳбатга тортдик. «Кутилмаган ташриф»имизнинг мақсадини тушунтирдик.



«АМАЛИЁТНИ ҲАМ ҲАММИНИ»

— Тадбиркорликнинг ҳам ўзига хос машаққатлари бор. Ишбилармонлик, ҳалоллик, матонат, таваккалчилик... Тенгдошларимиз ўқиш баробарида бу соҳадаги ишларини аллақачон бошлаб юборишган.

Нуриддин Салоҳиддинов иқтисод йўналишида ўқийди. 2010 йилда «Ўзбекистон маданияти ва санъати форуми» ва «Меҳр нури» жамғармалари таълим грантлари голиби бўлган бўлса, 2011 йилда «Келажак овози»нинг «Ёш тадбиркорлар мактаби» йўналишида муваффақиятга эришган. «Уй шароитида қишлоқ хўжалиги маҳсулотларини ишлаб чиқариш» лойиҳаси билан иштирок этиб, «Микрокредитбанк» томонидан ажратилган 3 миллион сўм кредит асосида ўз ҳовлисида томорқа ташкил этди ва якка тартибдаги тадбиркорликни йўлга қўйди.

Қизларнинг ҳам шижоати ўзгача. Нилуфар Расулова маркетинг йўналишининг 4-курс талабаси. Тўрақўрғон туманидаги «Умидли келажак» аёллар ва ёшлар ўқув маркази ҳамда «Лола» нодавлат-нотижорат ташкилотининг директор ўринбосари сифатида фаолият олиб бормоқда. Қолаверса, «Ўзбекистон Республикасида уй хўжаликлари иқтисодий ва уни такомиллаштириш йўналишлари», «Иқтисодий ночор корхоналарни маркетинг стратегиялари асосида ривожлантириш ва соғломлаштириш» мавзуларидаги илмий ишларини инглиз тилида мукаммаллаштирмоқда.

— Назарияда олган би-

лимларимизни амалиётда қўллаш олсак, марра — бизники, — дейди Нуриддин Салоҳиддинов. — Енгил саноат маҳсулотлари технологияси кафедраси қошида тикувчеҳи ташкил этиш арафасидамиз. Тўқимачилик саноати маҳсулотлари ҳамда енгил саноат технологияси йўналиши талабаларининг амалиётлари шу ерда ўтказилади. Тикувчиликка иштироқчи баланд қизларимиз хунар сирларини мукаммал ўрганадилар. Бунда Нилуфархон ташаббускорликни ўз қўлига олади, албатта!

ИНТЕРНЕТ «ОДОБИ»

Талабалар учун энг қулай восита — бу интернет. Унинг кўмагида ҳар қандай фанни чуқурроқ ўргансак бўлади. Айниқса, имтиҳон даврида энг яқин «дўст»имизга айланиб қолади. Лекин бунинг салбий томони ҳам бор-да! Кимё-технология факультети етакчиси Равшан Маврулов ана шундай «лекин»ларнинг олдини олиш ҳаракатида.

— Ширинликни севиб истеъмол қиладиган инсон унинг зарарли томонларини ўйламайди. Билса ҳам, амал қилмайди. Интернетни ҳам ширинликка қиёслаш мумкин, — дейди суҳбатдошимиз. — Интернет тармоғи бугунги кунда инсониятни ташвишга солаётган гиёҳвандлик, диний экстремизм, «оммавий маданият», ахборот хуружлари каби иллатлар тарғиботчиси бўлиб қолаяпти. Бу иллатларга қарши курашишда, аввало, ёшларда иммунитетни шакллантириш керак. Шуларни кўзда тутган ҳолда факультетимиз талабалари учун дарсдан ташқари ўқув машғулотларини ташкил этганмиз. Унда талабалар ин-

тернетни мукаммал равишда ўзлаштирибгина қолмай, ундан фойдаланиш одобига ҳам риоя этадилар. Дарслар давомида ўтказиладиган интерфаол ўйин ва давра суҳбатларида интернетнинг ижобий ҳамда салбий жиҳатлари тўғрисида мутахассислардан жавоблар олиш имконияти ҳам бор. Қувонарлиси, бошқа факультет талабаларининг таклифи билан ҳафтада бир кунда қўшимча машғулот ҳам олиб бораёпмиз.

МЕГАБАЙТДАН ГЕГАБАЙТГАЧА

Кечки пайт уй вазифаларини тайёрлаш билан бандсиз. Фикрларингиз тўлиб-тошяпти. Вақтида ёзиб олмагангиз «қочиб кетади». Бирдан компьютерингиз ишдан чиқди. Оббо, энди уста чақиришингизга тўғри келади.

— Ҳозир компьютерда ишлашни билмайдиган ёшлар йўқ. Ҳеч бўлмаганда, Microsoft Word, Microsoft Excel дастурларидан бемалол фойдалана оладилар, — дейди молия йўналиши талабаси Зафар Толибхонов. — Талабалар тураржойида «Мегабайтдан гигабайтгача» компьютер ўқув курсини ташкил этганмиз. Унда талабалар компьютернинг мукаммал дастурларини ўзлаштирибгина қолмай, таъмирлаш ишларини ҳам ўрганадилар.

Ташрифимиз чоғида жуда кўплай иқтидорли йигит-қизлар билан мулоқотда бўлдик. Уларнинг бари янгиликлар яратиш иштиёқида. Ўзбекистон учун муносиб фарзанд бўлишни дилга муҳрлаганлар.

Ойдина РЕЖАББОЕВА,
Наманган вилояти

«Камолот» ЁИХ Чилонзор тумани кенгаши ташаббуси билан «Тошкент — меҳмондўст шаҳар» фестивали ташкил этилди. Унда тумандаги таълим муассасалари, корхона ва ташкилотлардаги «Камолот» ЁИХ бошланғич ташкилоти етакчилари иштирок этди.

Хуш келибсан, азиз меҳмон!

Фестивалда тумандаги академик лицей ва касб-хунар коллежлари ўқувчилари Қорақалпоғистон Республикаси, Тошкент шаҳри ва вилоятларнинг урф-одатлари асосида «Хуш келибсан, азиз меҳмон!» мавзуида миллий таомлар дастурхонини, «Вилоят тарихини ўрганамиз» мавзуида вилоят тарихи, муқаддас қадамжолар ва зиёратгоҳлар акс этган махсус ижодий альбомларни, вилоятнинг миллий либослар кўргазмасини, шунингдек, «Байраминг муборак, юртим!» мавзуида деворий газеталарни намойиш этишди.

Фестиваль давомида ташкил этилган «Тошкент — меҳмондўст шаҳар» танловида таълим муассасалари жамоалари тўрт шарт бўйича ўзаро беллашди. Ҳакамлар ҳайъатининг якуний ҳулосасига кўра, Тошкент давлат техника университети қошидаги академик лицей жамоаси Қорақалпоғистон Республикаси, 1-Тошкент педагогика коллежи жамоаси Хоразм вилояти, Чилонзор коммунал ва сервис касб-хунар коллежи Бухоро вилояти, Чилонзор тиббиёт коллежи Самарқанд вилоятининг миллий урф-одат ва анъаналарини моҳирона намойиш этганлиги учун фахрли биринчи ўринга лойиқ деб топилди.

— Танловда Фарғона вилоятининг урф-одатларини намойиш этишимизга тўғри келди. Берилган вазифаларни юқори даражада бажариш учун тенгдошларимиз билан кўпроқ изландик. Фарғонача миллий таомларни тайёрлашда эса, устозларимиз маслаҳатида суюндик. Натижада иккинчи ўринга сазовор бўлдик, — дейди Тошкент давлат иқтисодиёт университети қошидаги академик лицейнинг «Камолот» ЁИХ бошланғич ташкилоти етакчиси Хурсандали Эгамов.

Фестиваль ҳаваскор хонандалар, эстрада юлдузлари, театр актёрлари ҳамда шоирлар иштирокидаги театрлаштирилган томошага уланиб кетди.

Рустам ЮСУПОВ



Президентимиз Ислам Каримов ташаббуси билан Зулфия номидаги Давлат мукофотининг таъсис этилгани кўплаб иқтидорли қизларнинг ўз эзгу орзуларини рўйба-рўй чиқаришлари имконият

Эзгу ниятлари ушалаётган қиз

Мамлакатимизда иқтидорли ёшларни аниқлаш, тарбиялаш ва рағбатлантириб боришга алоҳида эътибор қаратилаётгани истеъдод соҳиблари сафи янада кенгайишида муҳим омил бўлмоқда.

яратмоқда. Бу йил Зулфия номидаги Давлат мукофоти совриндорлари қаторига Фарғона вилояти Данғара саноат касб-хунар коллежи 3-босқич ўқувчиси Фариди Умаралиева ҳам қўшилди. Изланувчан бу қиз зукколиги, аъло хулқи ва истеъдоди билан тенгдошлари орасида эътибор қозongan.

Фариданинг шеърятга, адабиётга меҳри болалик йилларидан намо-

ён бўлди. У шеърлар машқ қила бошлади. Илк ижод намуналаридек Ватанга муҳаббат, истиқлол ғояларига садоқат туйғулари билан йўғрилгани боис, кўпчиликда катта қизиқиш уйғотди. Натижада, «Орзуларим», «Дилларнинг қўш наво-си», «Бахт қасрида яшайман», «Қалбдаги қуёш» каби шеърини тўпламлари мухлислар ҳукмига ҳавола этилди. «Яхшилар васфи» номи кито-

би эса ёш истеъдод соҳибасининг публицистик жанрда ҳам яхши қалам тебратишидан дарак берди.

Фарида Умаралиева вилоят ва мамлакат миқёсида ўтказиб келинаётган турли танлов ва анжуманларнинг фаол иштирокчиси. 2006 йилда республика ёш қаламкашларининг «Нафосат» танловига, 2008 йилда «Янги авлод» болалар ижодиёти фестивалида, 2012 йили «Ватан ягонадир, Ватан биттадир!» кўрик-танловида қатнашиб, голиблар сафидан ўрин олди. Шу йил Ёзувчилар уюшмасининг Дўрмон бо-

ғида бўлиб ўтган ёш ижодкорларнинг III республика семинарида унинг асарлари таниқли шоир ва адиблар эътиборини тортди.

— Биз, ёшларга кўрсатилаётган юксак эътибор ва ғамхўрлик учун Юртбошимиздан чексиз миннатдоримиз, — дейди Фарида. — Бунга жавобан янада шижоатли бўлишга интиламан. Ватанимизга, халқимизга муносиб фарзанд бўлиб, билдирилган ишонччи оқлаш учун бор куч-ғайратимни сафарбар этаман.

М.СУЛАЙМОНОВ,
ЎЗА мухбири

ЎЗБЕКИСТОН РЕСПУБЛИКАСИ ОЛИЙ МАЖЛИСИ ҲУЗУРИДАГИ НОДАВЛАТ НОТИЖОРАТ ТАШКИЛОТЛАРИНИ ВА ФУҚАРОЛИК ЖАМИЯТИНИНГ БОШҚА ИНСТИТУТЛАРИНИ ҚўЛЛАБ-ҚУВВАТЛАШ ЖАМОАТ ФОНДИ ГРАНТ ОЛИШ УЧУН ТАНЛОВ ЭЪЛОН ҚИЛАДИ

Танлов мавзуси: «Мустақил оммавий ахборот воситаларини янада мустаҳкамлаш, қонунлар, ижтимоий-иқтисодий ва гуманитар ривожланиш соҳасидаги давлат дастурлари талабларининг амалга оширилиши устидан жамоатчилик назоратини кучайтириш, мамлакатда ўтказилаётган ислохотлар сиёсатининг очиқлиги ва ошқоралигини таъминлаш, аҳолининг ҳуқуқий онгини шакллантириш, ҳуқуқий маданияти ва ҳуқуқий билимларини юксалтириш».

Танловда Ўзбекистон Республикасининг нодавлат ва нотижорат ташкилотлари, оммавий ахборот воситалари ва фуқаролик жамияти бошқа институтларининг куйидаги йўналишлардаги лойиҳалари кўриб чиқиш учун қабул қилинади:

— «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш Концепцияси»да белгиланган давлат ва жамият бошқарувининг устувор вазибаларини ҳал этишда ҳудудий нодавлат ОАВларининг фаол иштирокини таъминлаш;

— давлат ҳокимияти органлари фаолияти ҳақида жамоатчиликни хабардор қилиб бориш, аҳолининг, жамоат бирлашмаларининг давлат ҳокимияти органлари томонидан қабул қилинаётган қарорлар, авваломбор, фуқароларнинг ҳуқуқ ва эркинликлари, қонуний манфаатлари билан боғлиқ қарорлар ҳақидаги ахборотлардан кенг хабардор бўлиб боришини таъминлаш;

— аҳолининг экологик ва тиббий маданиятини янада яхшилашда аҳоли орасида, айниқса, ёшларга соғлом турмуш тарзини тарғиб қилишда ОАВ ролини ошириш;

— аҳолининг энг аввало, ёшларнинг дунёқарашини кенгайтириш ва маънавий қадриятларимизни янада мустаҳкамлаш, уларда мустақил тафаккурни тарбиялаш;

— нодавлат оммавий ахборот воситалари томонидан жамоатчилик назоратини амалга оширишга, аҳолининг ҳуқуқий онгини шакллантириш, ҳуқуқий маданияти ва ҳуқуқий билимларини юксалтиришга қўмаклашиш;

— миллий матбуотнинг сифати, маҳорати ва самарасини изчил ошириш;

— босма ОАВлари материалларини мамлакатимиз аҳолисининг аънавалари, менталитети, кўп асрлик ижтимоий ривожланиш тажрибаси ҳамда жаҳон тамадду-нининг замонавий ютуқларини ҳисобга

олган ҳолда касбий, ғоявий ва бадиий савиясини юксалтириш;

— ОАВнинг молиявий ва иқтисодий эркинлигини мустаҳкамлаш, ахборот соҳасида бозор механизмларини янада ривожлантириш;

— интернет журналистикасини ривожлантириш, миллий матбуотни халқаро медиаоламда муносиб ўринга эга бўлиши мақсадида унинг усулларини ўзлаштириш.

Танловда қатнашиш учун куйидаги хужжатлар тақдим этилиши лозим:

1. Жамоат фонди номига грант лойиҳаси тақдим этилаётганлиги ҳақидаги кузатув хати.

2. Жамоат фондининг www.fundngo.uz сайтида жойлаштирилган шаклда тўлдирилган грант олиш учун лойиҳа ва унинг CD дискдаги электрон варианты.

3. Ташкилотнинг давлат рўйхатидан ўтганлиги ҳақидаги гувоҳнома нусхаси.

4. Низом нусхаси (ташкилот муҳри билан тасдиқланган ўзгариш ва қўшимчалар билан). Бундан ташқари, тақдим этилаётган хужжатларга манфаатдор давлат ва жамоат ташкилотларининг тавсияномаси ва мазкур лойиҳани қўллаб-қувватлаш хати илова қилиниши мумкин.

Битта лойиҳа учун ажратиладиган грант миқдори — 15 миллион сўмгача. ННТ ва фуқаролик жамиятининг бошқа институтларининг ўз маблағларини жалб этилиши ва ижтимоий шериклик қўллаб-қувватланади.

Танловда давлат рўйхатидан ўтган ННТ ва фуқаролик жамиятининг бошқа институтлари иштирок этишлари мумкин.

Хужжатлар оммавий ахборот воситаларида эълон қилинган кундан бошлаб 2013 йил 22 апрель соат 18-00 га қадар қабул қилинади.

Танлов буйича хужжатлар муҳрланган конвертда (А4 формат): 100035, Тошкент шаҳри Бунёдкор шоҳқўчаси, 1-уйда жойлашган Ўзбекистон Республикаси Олий Мажлиси ҳузуридаги ННТ ва фуқаролик жамиятининг бошқа институтларини қўллаб-қувватлаш Жамоат фонди номига юборилиши шарт.

Танловда иштирок этиш шартлари ва танлов хужжатларининг намуналари билан Жамоат фондининг www.fundngo.uz расмий сайтида танишиш мумкин.

Маълумот учун тел:
239-26-76, 239-26-64.

ЎЗБЕКИСТОН РЕСПУБЛИКАСИ ОЛИЙ МАЖЛИСИ ҲУЗУРИДАГИ НОДАВЛАТ НОТИЖОРАТ ТАШКИЛОТЛАРИНИ ВА ФУҚАРОЛИК ЖАМИЯТИНИНГ БОШҚА ИНСТИТУТЛАРИНИ ҚўЛЛАБ-ҚУВВАТЛАШ ЖАМОАТ ФОНДИ ГРАНТ ОЛИШ УЧУН ТАНЛОВ ЭЪЛОН ҚИЛАДИ

Танлов мавзуси: «Обод турмуш йили» Давлат дастурини амалга оширишда ҳамда аҳоли фаровонлигини таъминлашга, бандлигини оширишга, кичик бизнес ва хусусий тадбиркорликни ривожлантиришга, аҳоли турли қатламларига манзилли ижтимоий кўмак кўрсатишга йўналтирилган бошқа ижтимоий аҳамиятга эга дастурларни бажаришда ННТ ва давлат ҳокимияти ва бошқаруви органларининг ўзаро ижтимоий шерикчилигини кучайтириш.

Танловда Ўзбекистон Республикасининг нодавлат нотижорат ташкилотлари, оммавий ахборот воситалари ва фуқаролик жамияти бошқа институтларининг куйидаги йўналишлардаги лойиҳалари кўриб чиқиш учун қабул қилинади:

— аёллар ва ёшларни, ёш оилаларни, имконияти чекланган фуқароларни ҳамда аҳолининг кўмакка муҳтож бошқа қатламларини ижтимоий жиҳатдан янада қўллаб-қувватлаш;

— аёллар ва ёшларни ижтимоий-ҳуқуқий ҳимоя қилинишини, реабилитациясини, бандлигини таъминлашни янада кучайтириш, мамлакатимиз ҳудудларида ижтимоий инфратузилма-ни янада ривожлантириш;

— аҳолига янги иш ўринлари яратиш ва ишга жойлаштирилган ёрдам кўрсатиш;

— ҳудудларимизда, айниқса, узоқ қишлоқ ҳудудларида оилавий бизнес, хусусий тадбиркорлик, касаначилик ва халқ ҳунармандчилигини, тадбиркорлик фаолиятининг бошқа шакллари-ни ривожлантиришга янада қўмаклашиш;

— ёшларни, энг аввало, касб-хунар коллежлари ва олий ўқув юртлири битирувчиларини тадбиркорлик фаолиятига янада кенгроқ жалб этиш учун ша-роитлар яратишга ёрдам бериш;

— аёллар ва ёшларнинг ижтимоий фаоллигини янада ошириш, узоқ туманлар ва қишлоқ ҳудудларида уларнинг касбий таълими сифатини яхшилаш;

— жамиятимизнинг маънавий асосларини янада ривожлантиришда оиланинг роли ва аҳамиятини оширишга, жамиятимизда азалий миллий қадриятларимиз ва аъналаримизни, одоб-ахлоқ тамойиллари ва соғлом турмуш тарзини янада мустаҳкамлашишига

қўмаклашиш;

— аҳолининг ҳуқуқий онгини шакллантириш, жамиятда инсон ҳуқуқлари маданиятини ошириш.

Танловда қатнашиш учун куйидаги хужжатлар тақдим этилиши лозим:

1. Жамоат фонди номига грант лойиҳаси тақдим этилаётганлиги ҳақидаги кузатув хати.

2. Жамоат фондининг www.fundngo.uz сайтида жойлаштирилган шаклда тўлдирилган грант олиш учун лойиҳа ва унинг CD дискдаги электрон варианты;

3. Ташкилотнинг давлат рўйхатидан ўтганлиги ҳақидаги гувоҳнома нусхаси.

4. Низом нусхаси (ташкилот муҳри билан тасдиқланган ўзгариш ва қўшимчалар билан). Бундан ташқари, тақдим этилаётган хужжатларга манфаатдор давлат ва жамоат ташкилотларининг тавсияномаси ва мазкур лойиҳанинг қўллаб-қувватлаш хати илова қилиниши мумкин.

Битта лойиҳа учун ажратиладиган грант миқдори — 15 миллион сўмгача. ННТларнинг ўз маблағларини жалб этилиши ва ижтимоий шериклик қўллаб-қувватланади.

Танловда давлат рўйхатидан ўтган нодавлат нотижорат ташкилотлари ва фуқаролик жамиятининг бошқа институтлари иштирок этишлари мумкин.

Хужжатлар оммавий ахборот воситаларида эълон қилинган кундан бошлаб 2013 йил 22 апрель соат 18-00 га қадар қабул қилинади.

Танлов буйича хужжатлар муҳрланган конвертда (А4 формат): 100035, Тошкент шаҳри Бунёдкор шоҳқўчаси, 1-уйда жойлашган Ўзбекистон Республикаси Олий Мажлиси ҳузуридаги Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш Жамоат фонди номига юборилиши шарт.

Танловда иштирок этиш шартлари ва танлов хужжатларининг намуналари билан Жамоат фондининг www.fundngo.uz расмий сайтида танишиш мумкин.

Маълумот учун тел:
239-26-76, 239-26-64.

Хонадон чароғон, кўнгил нурафшон

Турмуш ободлиги, рўзгоримиз фаровонлиги ҳақидаги дастлабки тасаввуримиз, табиий тушунчамиз, албатта, шундай: табиий газ, электр энергияси, ичимлик сувининг узлуксизлиги ва яшаб турган уйимизнинг кўркеми ва қулайлиги.

Уртимизда амалга оширилаётган кенг кўламли бунёдкорлик ишлари аҳоли фаровонлигини ошириш йўлидаги дадил ва изчил қадамлардан дарак бериб турибди. Намунавий лойиҳа асосида қурилаётган уйларни кўриб барчамиз ҳавас қиляпмиз. Бу тураржойларда ҳамма шароитлар муҳайёлиги, уларнинг замонавий қиёфага эга эканлиги инсоннинг янгича яшашига бўлган иштиёқини оширади. Янги қурилаётган уйларда фақат қурувчиларнинг эмас, сувчиларимиз, газ ва электр тармоқлари идоралари ходимларининг ҳам катта меҳнат улуши бор. Ахир, уйингизда бир соат чироқ ўқин, қандай аҳволга тушасиз?! Шунда уйдаги мавжуд бошқа қулайлик ва шароитлар унчалик татимайди кишига. Шундаймасми?!

Мамлакатимизда бу йил ҳам халқнинг турмуш даражаси ва сифатини янада ошириш, муносиб уй-жой ва ижтимоий-маиший шароитлар яратиш, янги уй-жойлар қуриш, замонавий уйлар ва муҳандислик коммуникация инфратузилмаларини ривожлантириш, аҳоли пунктларини тоза ичимлик суви, электр энергияси ва иссиқлик билан кафолатли таъминлаш бўйича аниқ чора-тадбирларни амалга ошириш кўзда тутилган.

«Жиззах ҳудудий электр тармоқлари корхонаси» ОАЖда ҳам «Обод турмуш йили» Давлат дастури доирасида кўпгина ишлар бажарилиши режалаштирилган. Бу қилинажак ишлардан қутилаётган натижа битта: у ҳам бўлса, вилоят аҳолисини электр энергияси билан ишончли ва узлуксиз таъминлаш.

— Вилоят аҳолисини электр энергияси билан таъминлашни яхшилаш мақсадида жамиятимиз



аниқ чора-тадбирларни белгилаб олган, — дейди жамият бошқаруви раиси Файрат Аҳмедов. — Бу йил Зомин туманидаги 10/35/10 кВ «Зомин» НС иккинчи навбатини ҳамда Арнасой туманидаги 35/10 «Плотина-1» нимстанцияларини қуриш режаларимизнинг дастлабки бандини эгаллаган. Бу йил вилоятимизда яқка тартибдаги уй-жойлар барпо этилаётган 22 қишлоқ мавзеси учун 14,53 километр узунликда 0,4-10 кВ кучланишли ҳаво тармоқлари ҳамда 8 дона 10/0,4 кВли трансформатор пунктини ўрнатиш йил давомида бажарилган асосий ишларимиздандир. Бундан ташқари, вилоятда 251,9 километр узунликда 0,4-10 кВ кучланишли ҳаво тармоқлари ҳамда 18 дона 10/0,4 кВли трансформатор пунктлари реконструкция қилинади. Шунингдек, вилоятда 570,6 километр узунликда 0,4-10 кВ кучланишли ҳаво тармоқлари ҳамда 197 дона 10/6/0,4 кВли трансформатор пунктини мукамал таъмирлашга корхонамиз аъзолари маҳкам бел боғлаган.

Ўтган йили ҳам ана шундай мақсадда кўп ишлар қилинди. Бу ишларни самарали ва муваффақиятли амалга оширишда корхонада ишчи-ходимларнинг касабаси уюшмаси томонидан моддий ва маънавий қўллаб-қувватлаб турилганлиги ҳам асосий омилдир. Масалан, ёшларнинг дунёқарашини юксалтириш, ижтимоий-маданий соҳаларда тажриба алмашиш, қадимий шаҳарлар тарихи ва ёдгорликлари, миллий урф-одатлар, анъаналар

билан таништириш, республикамизда амалга оширилаётган бугунги ислохотларни кенг тарғиб қилиш мақсадида корхонадан йигирма беш нафар ходим мустақиллик йилларида Наманган, Фарғона ва Андижон шаҳарларида барпо этилган улкан қурилиш ишларига гувоҳ бўлишди ва тарихий қадамжоларни зиёрат қилиб қайтишди. Ёки жамият маблағи ҳисобидан ҳар хил турдаги китоблар, журналлар ва кўргазмалар воситалар харид қилиниб, шаҳар ва туман электр таъминоти корхоналарига тарқатилганлиги ходимлар учун маънавий кўмақдир. Тошкент вилояти Бўстонлиқ тумани Чимён қишлоғида жойлашган «Кўёшли» болалар оромгоҳида «Соғлом оила — жамият таянчи» шиори остида ўтказилган республика оилавий мусобақарида жамиятнинг энергосотиш бўлими ҳисобчиси Абдумажид Норбўтаев, турмуш ўртоғи Анара Норбўтаева ва фарзанди Донабоев ана шундай ёшлардан саналади. Улар бу йил янги қуриб битказилган уй-жойларда оиласи билан яшашни бошлайдилар.

— Ходимларнинг болаларининг ҳам яхши дам олишига эътибор қаратамиз, — дейди жамият касабаси уюшмаси кўмитаси раиси Илҳом Уринов. — Ўтган йили тизим ходимларининг фарзандлари вилоятимиздаги Амир Темур, «Пахтакор», «Камолот» ва «Наврўз» номли болалар оромгоҳларида дам олишди. Ана шундай болалардан қирқ икки нафари оромгоҳларда соғломлаштирилди. Ўн нафар бола эса имтиёзли равишда бепул соғлом-

лаштирилди. «Ўзбекэнерго» ДАК томонидан энергетика ходимларининг соғлиқларини тиклаш учун Тошкент шаҳрида тиббий санитария қисми фаолият кўрсатиб келмоқда. Ҳар йили бир неча ходим ва оила аъзолари ушбу муассасада соғломлаштирилади. Ушбу компанияга қарашли «Нурафшон» сихатгоҳида ҳам ходимлар даво-ланишиб туришади. Ўтган йили корхонамизда ишлаётган ёш оилаларни қўллаб-қувватлаш мақсадида вилоят қишлоқ жойларида қурилаётган намунали уй-жойларни сотиб олишга тўланадиган дастлабки бадалларни тўлаш учун бешта ёш оилага 125 миллион сўм фоизсиз ссуда берилди. Бу йил эса ўн етти нафар ёш оилага 579 миллион 500 минг сўм ажратилди. Зомин туман электр таъминоти корхонаси муҳандиси Музаффар Эргашев, Зафаробод туманидан муҳандис Мажид Донабоев ана шундай ёшлардан саналади. Улар бу йил янги қуриб битказилган уй-жойларда оиласи билан яшашни бошлайдилар.

«Жиззах ҳудудий электр тармоқлари корхонаси» ОАЖ томонидан амалга оширилаётган ишлар, албатта, таҳсинга сазовор. Хонадонларни чароғон, кўнгилларни нурафшон айлаш муддаоси билан тиним билмай ишлаётган тизим ходимларининг турмушимиз обод ва фаровонлигига қўшаётган ҳиссаси чексиз. Бу ҳиссанинг ўлчови, баҳоси йўқ, албатта.

Шоди ОТАМУРОД,
«Turkiston» муҳбири

Ҳар йили баҳорнинг илк кунинда шоира Зулфия таваллудини юртимизда кенг нишонлаймиз. Шейрларидagi кўклам нафаси, япроқлар шивирини, булутларни писанд этмай балқиган қуёш тафти кўнгилда ажиб ҳислар уйғотади. Фараҳбахш кун билан бошланган баҳор байрамларга бой.

Рағбатдан руҳланган Робия

8 март — Халқаро хотин-қизлар куни арафасида Президентимиз бир гуруҳ қизларни адабиёт, фан, таълим, маданият, санъат йўналишида эришяётган катта ютуқлари учун Зулфия номидаги Давлат мукофоти билан тақдирлайдилар.

Жорий йилда Ватанимизнинг ана шундай юксак мукофотига лойиқ топилган ўқувчи-қизлар орасида Тошкент молия институти қошидаги 2-академик лицей ўқувчиси Робия Рўзиева ҳам бор.

Тошкент молия институтида Зулфия номидаги Давлат мукофотига маданият йўналиши бўйича сазовор бўлган Робия Рўзиева иштирокида давра суҳбати бўлиб ўтди.

Тошкент шаҳридаги туманлар хотин-қизлар қўмиталари раислари, Тошкент молия институти, институт қошидаги 1-, 2-академик лицейлар ҳамда Тошкент банк коллежи ўқитувчи, ўқувчилари иштирок этган мазкур тадбирда Робиянинг тенгдошларига ўрناк бўла оладиган ибратли фаолияти ҳақида сўз борди.

Давра суҳбатида сўзга чиққанлар мустақил Ватанимиз тараққиётида, халқимиз эришган ютуқлар замирида жонкуяр, фидойи, меҳнаткаш қизларимизнинг ўрни бениҳоя катта эканлигини эътироф этиб, ўсиб келаётган ўқувчи, талаба-қизларнинг эзгу интилишларини ҳар томонлама қўллаб-қувватлаш, рағбатлантириш борасида салмоқли чора-тадбирлар амалга оширилаётганлигини таъкидлаб ўтдилар.

— Бу йилги баҳорни катта қувонч билан кутиб олдим, — дейди Робия. — Мана, кўксимда ушбу залворли мукофот шуъла сочиб турибди. Бу шуълалар ҳеч қачон хира тортмаслиги учун янада кўпроқ ҳаракат қилишим керак. Зулфияхонимга муносиб издош эканлигимни ўқиш ва ишларимда исбот қилишим керак. Ёшлар — Ватан келажаги. Ватанимиз янада чирой очиши учун елиб-югурамиз. Келажақда журналист бўлмоқчиман.

Робия Рўзиева Олмазор туманидаги 165-мактабни аъло баҳоларга тугатган. Ҳозирда лицейнинг аниқ фанлар йўналишида таҳсил оляпти. У болаликдан суҳандон ва телебошловчиларга ҳавас билан боқарди. Айниқса, Раъно Жўраева, Дилором Умарова, Насиба Максудова каби таниқли суҳандонларга ўхшаси келарди. Робиянинг бу истаги 2008 йилда уни НТТ телеканалдаги «Янги авлод» кўрсатуви кастингига етаклади. Кастингдан муваффақиятли ўтгач, «Янги авлод»нинг «Флора», «Ҳайвонот олами» саҳифаларида бошловчилик қилди.

2010 йилда у НТТ телеканалнинг «Бунёдкор ёшлар» телеклубига аъзо бўлди. «Болалар нигоҳи» кўрсатуви ва «Болалар луғати» саҳифаларида бошловчиликни давом эттирди. У ерда устозларидан репортаж, лавҳа ҳамда тадбир сценарийларини ёзиш сирларини ўрганди. Шунингдек, у мунтазам «Камолот» ЕИХ томонидан ташкиллаштирилган семинар-тренингларда фаол иштирок этади.

Лицейда устозлари ва тенгдошлари у билан фахрланади. Ўтказиладиган тадбирлар сценарийси муаллифи ва бошловчиси. Лицейнинг «Адабиёт гулшани», инглиз тилидаги «Смарт», тумандаги «Ораста қизлар» тўғарақларининг жонкуяр аъзоларидан бири.

— Истеъдодли кизимиз Робиянинг юксак мукофот билан тақдирланиши, албатта, унинг ҳозиргача амалга оширган ишларига берилган баҳо, келажакдаги мақсадларига рағбатдир, — дейди академик лицей директори Гулноза Йўлдошева.

— Тенгдошимиз Робияга ҳавасим келди. Албатта, у бу ютуқларга ўз-ўзидан эришмаган. Унинг тиришқоқлигидан барчамиз ўрناк олсак, арзийди, — дейди Тошкент банк коллежи ўқувчиси Маҳфуза Исломова.

Робияга тенгдошлари бугун чиндан ҳам яна бир бор ҳавас билан боқишди. Кўнгилларида бу юксак мукофотга сазовор бўлиш орзуси пайдо бўлганини илғаш қийин эмас.

Майсара НАЗАРОВА,
«Turkiston» муҳбири

Мафтункор ранглар жилоси

ljodiy parvoz

Пойтахтимиздаги Республика ихтисослаштирилган санъат мактабида мохир мусаввир, мазкур мактаб ўқитувчиси Гўзал Цингалованинг «Учрашув» номли шахсий кўргазмаси очилди. Шу муносабат билан ташкил этилган тадбирда Ўзбекистон Бадий академияси аъзолари, таниқли мўйқалам соҳиблари, ёш мусаввирлар ва мактаб ўқувчилари иштирок этди.

Рассомнинг кўргазмадан ўрин олган, манзара ва натюрморт жанридаги йигирмадан зиёд асари ёрқин ранглар уйғунлиги, фалсафий мазмун-моҳияти билан томошабинларда чуқур таассурот қолдирди. Айниқса, «Садоқат», «Кайфият», «Шарқ гўзали», «Оқтош» каби суратлар мусаввир ижодий савияси, борлиқни англаш, табиат

гўзаллигини ҳис этиш туйғуси нечоғли ўткирлигидан дарақ беради.

Тасвирий санъатнинг қудрати, жозибаси шундаки, уни қайси миллат вакили мўйқалам билан акс эттирмасин, асарни барча сўзсиз тушунади ва бу билан сурат бутун инсониятнинг маданий мулки бўлиб қолади. Гўзал Цингалованинг шундай гўзал асарла-



ри кўп. Биргина «Сой» номли суратини томоша қилган киши қуюқ дарахтзор оралаб, тошдан тошга урилиб оқиб

келаётган сувнинг шивирини эшитгандек бўлади.

— Кўргазмадаги ҳамма расмлар менга ёқди, — деди

Республика ихтисослаштирилган санъат мактабининг 1-синф ўқувчиси Шоҳрух Мадаминжонов. — Уларни ўзим учун суратга олдим. Расм чи-заётганимда улардан ижодий фойдаланаман. Катта бўлсам, машҳур рассом бўлиб, шахсий кўргазмамни очаман.

Ҳар бир асарни узоқ вақт кўздан кечириб, ижодий таҳлил қилган ёшлар нигоҳида улкан ҳавас, мусаввирликка меҳр балқиб тургани гувоҳи бўлди. Шу иштиёқ, шу шижоат мудом улар қалбида ҳукмрон бўлишини чин дилдан истадик.

Хайриддин МУРОД,
«Turkiston» мухбири.

*Сардор Муллажонов
олган сурат*

Чўнтош адирларида

Денов туманидаги «Чўнтош» маҳалла фуқаролар йиғинида «Қадрият, урф-одат, анъана ва ёшлар» лойиҳаси ўтказилди. Миллий қадриятларимизни ўзида намойиш этган ушбу лойиҳа «Камолот» ёшлар ижтимоий ҳаракати Денов тумани кенгаши ташаббуси ҳамда ҳамкор ташкилотлар кўмагида амалга оширилди.

Ўзига хос ёшлар сайлига айланган тадбирда икки мингга яқин ўқувчи ҳамда уюшмаган ёшлар иштирок этди. Улар миллий халқ ўйинларидан чиллак, ошиқ, от, подачи, хўрозлар жанги, эшак минди, варрак учирини ҳамда арқон тортиш ўйинларида қатнашиб, ўзаро беллашди. Тад-

бирда тумандаги умумтаълим мактаблари, академик лицей ҳамда касбухона коллежлари жомалари миллий қадриятларимиз акс этган кўргазмани чиқишларини намойиш этишди. Тумандаги 68-мактаб ўқувчилари томонидан олиб келинган ўтов (қора уй) ёшларда катта қизиқиш



Barhayot an'analar

ўйғотди.

Тадбирда ўқувчи қизлар томонидан айрилган ўланлар, лапарлар, айтишувлар ҳамда она юртини мадҳ этувчи куй-кўшиқ, шеърлар байрамга янада шуқуқ бағишлади.

Тадбир сўнгидан варрак учирини, хўрозлар

жанги, чанқовуз чалиш, чиллак ўйини, лапар айтишуви, рақс, кўшиқчилик ва фольклор, қадимий урф-одатлар ва кийимлар намойиши каби йўналишлар ва 60 метрга югуриш мусобақаси голиблари аниқланди.

Гулжаҳон СУВОНОВА

Кучли, чаққон ва жасур қизлар

Андижон вилоятида қизлар ўртасида спортни оммалаштириш борасида бир қатор ишлар амалга оширилмоқда. Қўрғонтепа туманида қўл тўпи бўйича ўтказилган вилоят очиқ турнири Обод турмуш йиллига бағишланди.

1997-1999 йилларда туғилган қизлар ўртасида ўтказилган турнирда шаҳар ва туманлардан келган жамоалар қатнашди.

Турнирнинг Қўрғонтепа тумани Маъмуробод қишлоғида ўтказилиши бежиз эмас. Бу қишлоқнинг ҳандболчи қизлари вилоят терма жамоаси асосини ташкил этади. Ҳандболчи қизлар жамоаси ўтган йили Навоий вилоятида ўтказилган «Умид ниҳоллари» спорт ўйинларининг республика финал босқичида фахрли иккинчи ўринни эгаллаб, совриндорлар орасидан жой олган эди.

Турнир давомида майдон эгалари ҳисобланган маъмурободлик қизлар маҳорат бобида тенгдошларидан устун эканликларини

ни кўрсатдилар. Улар турнирда иккита жамоа бўлиб қатнашиб, учрашувларда «Маъмуробод-1» жамоаси кетма-кет ғалабаларни қўлга киритиб, голиб бўлди.

Шаҳар ва туманлардан келган жамоалар орасидан эса, асакалик спортчи қизлар яхши ўйин кўрсатиб, муҳлиси мутахассислар эътиборини қозонишди. Яқинда Қўрғонтепа туманининг «Маъмуробод-1» жамоаси биринчи ўринни эгаллади. Асака тумани ҳандболчи қизлари иккинчи ўринга сазовор бўлган бўлса, мезбонларнинг яна бир жамоаси — «Маъмуробод-2»га учинчи ўрин насиб этди.

Муҳаммаджон КАРИМОВ,
Андижон вилояти

Боболар ибрати

Ehtiro

Соҳибқирон Амир Темур бобомиз таваллудининг 677 йиллиги муносабати билан 2-Тошкент давлат юридик коллежида тадбир ташкил этилди.

Тадбирда Амир Темурнинг жаҳон тарихида тутган ўрни, маданий ва маърифий ишлари, давлатчиликка оид тажрибаси, бунёдкорлик ишлари ҳамда Темурийлар давлати ҳақида сўз юритилди. Олий Мажлис Қонунчилик палатасининг судхуқуқ масалалари қўмитаси аъзоси Абдуҳаким Қурбонов ҳамда коллеж ўқитувчилари «Етук ва баркамол авлод — келажакимиз таянчи», «Инсон манфаати, ҳуқуқ ва эркинликлари — олий қадри-

ят», «Обод турмуш — фаровон турмуш», «Ўзбекистон Республикаси Конституциясига киритилган қўшимча ва ўзгартишлар» мавзуларида маърузалар ўқишди.

Тадбирда коллеж ўқувчилари ўз фикр-мулоҳазаларини билдиришди, саволларига жавоб олишди.

Хусниддин ЁРМАТОВ,
2-Тошкент юридик коллежи ўқитувчиси

«Yetakchi» yoshlar markazida

«Етакчи» ёшлар маркази томонидан Ҳаракатнинг ҳудудий кенгашлари раис ўринбосарлари, «Камалак» болалар ташкилотлари, «Етакчи» ёшлар маркази филиали раҳбар ва координаторлари, «иқтидорли ёшлар ва ёш олимлар билан ишлаш» бўлими мудири ва етакчи мутахассислари, «ташқилий кадрлар ва ахборот-таҳлил масалалари бўлими мудири учун ўқув-семинар ташкил этилди.

Янги таклиф ва мулоҳазалар баҳси

«Камолот» ёшлар ижтимоий ҳаракатининг мактаблардаги бошланғич ташкилотлари етакчилари ва сардорлари фаолият самарадорлигини оширишга қаратилган ушбу семинарда ёшларнинг бугунги кундаги қизиқишлари ва уларни Ҳаракат томонидан берилётган имкониятлардан хабардор этиш борасида қандай чора-тадбирлар кўрилатганига алоҳида эътибор қаратилди. Тренинг машғулотлари эса, малакали мутахассислар томонидан олиб борилди.

Машғулотнинг дастлабки кунда «Энг намунали бошланғич ташкилот» кўрик-танловининг ҳужжатлар тўпламини шакллантириш ва ушбу танловни ташкил этиш, маҳаллий ўқувларни ўтказиш тартиби, «Камолот» ЁИХ Марказий Кенгаши ва Халқ таълими вазирлиги томонидан 2012 йилда имзоланган «Ўзбекистон «Камолот» ёшлар ижтимоий ҳаракатининг умумий ўрта таълим мактабларидаги бошланғич ташкилотлари фаолиятини янада такомиллаштириш тўғрисида»ги қўшма қарори, бошланғич ташкилот низоми ва ташқилий тузилмаси каби маърузалар ўқилди. Маърузалар «тенгдош-тенгдошга», суҳбат, очиқ мулоқот каби методлар орқали ташкил этилди. Тренинг давомида ҳар бир иштирокчининг фикри муҳокама қилинди.

Тингловчилар семинарнинг иккинчи кунда ўтказилган мавзулар бўйича баҳс-мунозара олиб боришди ва ҳар бир ўтилган машғулот таҳлил қилинди. Сўнгра «Намунали бошланғич ташкилот хонаси», «Бошланғич ташкилотда ҳужжатлар билан ишлаш», «Ўқув-семинарлар давомида қўлланиладиган самарали интерфаол усуллар», «Тақдимотлар ўтказиш технологияси», «Мулоқот психологияси», «Тренер имижи», «Социологик тадқиқотлар ташкил этиш», каби мавзулардаги машғулотлар интерфаол ўйинлар, ақлий ҳужум методлари асосида олиб борилди. Шунингдек, иштирокчиларга янги лойиҳаларни тақдим этиш борасида таклиф-мулоҳазалар берилди.

Ўқув якунида «Камолот» ЁИХ Марказий Кенгаши раиси Баҳодир Фаниев билан очиқ мулоқот тарзида суҳбат уюштирилди ва иштирокчилар ўзларининг таклиф-мулоҳазаларини билдиришди.

Камола ИСМОИЛОВА,
«Етакчи» ёшлар маркази бош мутахассиси

Энг ширин хаёл



Баҳор... Кўнгилларни илиқ нурларга буркаб, гўзал туйғулар улашувчи фасл. Баҳорни уч фасл ҳам соғинади. Қиш ҳам, ёз ҳам, куз ҳам унга ҳавас қилади. Бутун борлиқ шу фаслда ўзини англайди, гўзаллашади, тириклик оламининг ҳайрат ва эҳтиросига тўйинади.

Сочига сочпопук, бошига гулчамбар таққан қизлар кўз олдингизда гўзал тароват билан намоеён бўлади, юраклар энтикиб кетади.

Баҳорни соғиниб, қиш билан тезроқ хайрлашиш-

ни истаган дов-дарахтлар, ўт-ўланлар, ҳатто қиш бўйи уйқудан зериккан қурт-қумурсқалар, сайроқи қушлар, тоғу тошлар кўксига ям-яшил бахмал тўшамоқ истаган майсаларни айт-

майсизми?..

Азалий удумларимиз ҳам шу фаслни кутлагандек, бир-бирини тўлдириб, кўнгилларни қувнатади. Оналар, аёлларнинг бир иши икки бўлади. Кимдир келин қидиради, кимдир тўй дастурхонини ёзиб, дўсту ёронлар кўнглини олишга шошилади. Яна кимдир сумалак учун буғдой ундириб, етилгач, кўни-қўшнилари билан ният қилиб, сумалак

қайнатади. Бундай лаҳзаларда, албатта, гўзал қизлар, зукко ва санъатга ошурта аёллар дил қулфи очилиб, кимдир дутор чертиб, хониш қилар, кимдир қарсиллатиб доира чертиб, қизларни даврага чорлар, яна кимдир шеърхонлик қилиб, севишган ва севилган юраклар торини чертар...

Сумалак баҳона йиғилган қиз-жувонлар, севган ва севилганлар бу гўзал оқшомни мунаввар тонгга улайдилар. Уй тўрида ўтирган онахонлар яратгандан ҳар бир кун, ҳар бир ойу йиллар учун қут-барака сўраб, ёшларга бахт-саодат, барча-барчага иймон ва эътиқод тилаб дуога қўл очадилар, ҳаммага баҳорий кайфият тилайдилар.

*Баҳор қисқа
ёшлик мисоли,
Муҳаббат,
сен мангу бўлиб қол.
Сен сермазмун
умр тимсоли,
Шунданми, сен энг
ширин хаёл...*

**Моҳигул САМАДОВА,
Самарқанд вилояти**

Yoshlik ilhomi

БАХТ МАНЗАРАСИ

— Она, — дейди бола бегубор
Нигоҳини буриб аёлга.
Онаси ҳам қарайди бирдан,
Кетар экан чўмиб хаёлга.

— Она, — дейди бола жилмайиб,
— Ўзим юрсам майлими? Хўп денг.
Қўлчасини бўшатади-ю,
Аёл борар ортдан ўглининг.

Ўйинқароқ, шўх ва ёқимтой,
Борар экан ўғил ўйноқлаб.
Яна ўша ширин ва азиз,
Хаёллари келар сўроқлаб.

«Тезроқ улғайсаю болажон,
Катта йигит бўлса мард, жасур.
Телевизорда кўрсатганидек,
Аскар бўлса кучли ва мағрур».

Она-бола боришар йўлда,
Бахтдан масрур, шодликдан кулган.
Тинчликнинг бир белгиси шудир,
Юраклари орзуга тўлган.

Қадрлайлик тинчликни, бахтни,
Яшнаб турсин қирда лолалар.
Гулзор юртнинг гуллари шулар,
Бахтли бўлсин она, болалар!


ОҚШОМ ҚЎШИҒИ

Гўзал оқшом, атроф чароғон,
Хушбўй атир сочади еллар.
Озод юртнинг бахтин олқишлаб,
Тебранади чаманда гуллар.

Ифоридан сармаст қушчалар,
Сайрашади қувноқ ва шодон.
Куйлашаётгандир улар ҳам,
Илҳом олиб нуржамолингдан.

Сенга боқиб тўймайди кўзим,
Саждоғоҳим, гуллаган диёр.
Гўзал шеърга айланар сўзим,
Хур Ватанни куйлаб бахтиёр.

**Умида ХУШВАҚТОВА,
Шаҳрисабз тумани**



Hademay mutaxassis bo'lishadi

Коллежда лаборатория-тадқиқот маркази

Данғара қишлоқ хўжалиги касб-хунари коллежидан 1162 нафар ўқувчи таълим олмақда. Уларга 84 нафар ўқитувчи етти йўналиш бўйича касб-хунари ўргатапти.

Таълимга илғор педагогик технологияларни кенг жорий этиш, ўқитишнинг янги усуллари билан самарали фойдаланиш бўйича Олима-хон Аҳмедова, Хотамжон Холдоров, Рашида Ваҳобова, Одина Пулатова, Ҳаётжон Султонов каби тажрибали, интилувчан устозларнинг олиб бораётган ишлари таҳсинга лойиқ.

Қишлоқ хўжалиги ва таълим соҳасида ўттиз йиллик тажрибага эга бўлган қишлоқ хўжалиги фанлари номзоди Хотамжон Холдоров ветеринария ҳамда фермер хўжалиқларини ташкил этиш ва бошқариш йўналишлари ўқувчиларининг ўз касби бўйича етук мутахассис бўлишлари йўлида ўз билим ва тажрибаларини аямаётган жонкуяр устозлардан бири. Хотамжон ака ветеринария йўналиши учун келтирилган жиҳозлардан самарали фойдаланишни йўлга қўйган.

— Йўналишимиз учун келтирилган жиҳозлар ўқувчи коллежни битиргунча тайёр мутахассис бўлиб етишишига ёрдам беради, — дейди Ҳ.Холдоров. — Бу ердаги сут соғиш ускунаси, жун қирқиш агрегати, бузоқларни даволаш учун ингаляция аппарати, ҳазм органларини текширувчи эндоскоп, ҳайвонлар қон таркибини ўрганувчи жиҳозлар тўплами ва бошқа қатор ускуналар лаборатория машғулотларининг тўқсиз ўтиши, ўқувчиларимизнинг ўз соҳасига бўлган қизиқиши ортишига ва мукаммал билим олишларига асос бўляпти.

Хотамжон ака жорий ўқув йили якунига қадар коллежда лаборатория-тадқиқот маркази ташкил этишни режалаштиряпти. Бунинг натижасида ўқувчилар турли ҳайвонларнинг ички тузилиши, касалликлари ва уларни кўзгатувчиларни аниқлаш, даволаш чораларини белгилаш бўйича амалий машғулотлар олиб боришади.

**Нодиржон ЮСУПОВ,
«Turkiston» муҳбири**

СУРАТДА: тажрибали педагог Ҳ.Холдоров ўқувчилар билан амалий машғулот пайтида.



Омади келганда

Канадалик Мария Каррейро исми аёл «Лотто мах» лотереясида катта ютуққа эга бўлди, яъни нақ қирқ миллион доллар эгасига айланди.

Мария ўша вақтнинг ўзида ютуқ чекини олиб кетди. Мариянинг сўзларига қараганда, ютуқни у аввалига қирқ минг доллар деб ўйлаган. Аммо «Lotto мах» уни қирқ миллион билан табриклаганда анча вақтгача ўзига кела олмаган. Янги бой ҳозирча пулларни айнан нимага сарф этишини ошкор этмади, лекин маълум қисмини хайрия мақсадида ишлатиши аниқ экан. Статистик маълумотларга кўра, катта миқдордаги пул ютугини ютиб олганлар аввалига қарзларидан қутулишар экан. 56 фоиз янги миллионерлар пулни дам олиш учун сарф этса, 36 фоиз ғолиблар янги уй билан кифояланишар экан.

Ширинлик ўғрилари

Германиянинг Бад-Херсфельда шаҳрида беш тонна шоколад пастаси ўғирлаб кетибди. Маълумотларга қараганда, «Nutella» савдо белгиси остида чиқариладиган шоколад пастаси юк машинасида дўконга олиб келинган.

Сўнгра кеч тушиб қолгани сабаб машина автомобиллар тўхташ жойида қолдирилган. Оқибатда, эртаси куни қарашса, 15 минг евро дея баҳоланаётган ширинлик йўқ. Ҳозирга қадар Германия полицияси томонидан ҳеч қандай далил ва гувоҳлар топилмаган бўлса ҳам, ширинлик ўғрилари топишлари аниқ эканлиги айтиб ўтилган. Бундан бир неча ҳафта олдин худди шу шаҳарда катта миқдорда муздай энергетик ичимликлар ўғирланган эди. Маҳаллий аҳоли эса тайёр маҳсулотларни ўғирлайдиган гурӯҳ чиққанини айтган.

Бўриларга қарши ламалар

Швеция ҳукумати бўриларга қарши ламалар ёрдамида курашишни ўз фермерларига таъриф қилди. Скон туманининг маъмури Нильс Карлсоннинг сўзларига қараганда, мазкур ойнанинг сўнгида ҳар бир фермада ўртача тўрттадан лама пайдо бўлади.

Охири вақтларда бўрилар ҳужуми ҳар доимгидан ҳам кўпайиб кетган. Натижада, нафақат чорва, балки ёш болаларнинг ҳам ферма ҳудудида бўлиши хавфли бўлиб қолаётган эди. Шунингдек, ҳар бир йўқолган қўй учун ферма томонидан ҳукуматга 360 евро миқдорда жарима тўланади. Маълумотларга қараганда, оғирлиги 150 килограммдан ошган ҳайвонлар йиртқичларга қарши курашда фаол бўладилар. Уларда жанговарлик инстинкти янши ривожланган бўлади. Ламаларга тўхта-ладиган бўлсак, уларнинг оғирлиги 200 килограммдан ошиши билан бирга, бўйи салкам икки метрга етади. Ўттиз йилга яқин умр кўриши эса чорвадорларга яна ҳам қулай ҳисобланади.

**Интернет манбалари асосида
Жавоҳир КАРОМАТОВ тайёрлади**

Ёшлар билан гавжум

Наманган давлат университети ахборот-ресурс марказида талаба ёшлар дарсдан бўш вақтини самарали ўтказмоқда. Илмга чанқоқ ёшларнинг интеллектуал эҳтиёжларини таъминлашга хизмат қилаётган марказ 254 мингдан зиёд китоб фонди, даврий матбуот нашрлари, электрон қўлланма ва дарсликларга эга. Бу ердаги ахборот технологиялари, маънавий-маърифий, ахборот-библиография, мутолаа зали каби бўлимларда яратилган шарт-шароитлар замон талаблари даражасида.



Китобхонларни ахборот билан тизимли таъминлаш мақсадида марказда илм-фан ва жамиятнинг турли жабҳаларига оид маълумотлар электрон базаси яратилган. «ZiyoNET» ахборот тармоғига уланган компьютерлар йигит-қизлар ихтиёрида.

СУРАТЛАРДА: (чапдан) талабалар Медина Собирова, Дилшода Умарова, Шоҳрух Маҳмудов, Мафтуна Абдурахмонова; Наманган давлат университети ахборот-ресурс маркази.

Ҳотам МАМАДАЛИЕВ (ЎЗА) олган суратлар

Йўлимиз равон бўлгай!

Harakat xavfsizligi

Mujda

Худудларимизда автотранспорт воситалари сони кундан-кунга ошиб бораётганлиги туфайли, табиийки, автомобиль йўлларида тифизликлар юзага келмоқда. Бу ўз навбатида пиёдалар зиммасига йўл ҳаракати қоидаларига оғишмай амал қилиш ва ўзларининг хавфсизлигини таъминлашдек масъулиятли вазифани юклайди. Пиёдалар светофорларнинг қизил ва яшил чироқларига эътиборли бўлиши, йўлнинг махсус белгиланган жойларидан кесиб ўтиши ва серкатнов йўллар четидаги пиёдалар йўлакчаларидан фойдаланиши муҳимдир.

Йўл ҳаракати хавфсизлигини таъминлаш самарадорлигини ошириш, йўл-транспорт ҳодисалари ҳамда қоидабузарликларнинг олдини олиш мақсадида жорий йилнинг 5 мартдан 5 апрелгача барча жойларда бўлгани каби Зарбдор тумани ҳудудида ҳам «Диққат, пиёда!» тадбири ўтказилди. Жорий йилнинг икки ойи давомида Жиззах вилояти ҳудудида ҳаракат хавфсизлигини таъминлаш ва йўл-транспорт ҳодисаларининг олдини олиш мақсадида

Давлат йўл ҳаракати хавфсизлиги хизмати томонидан бир қатор профилактик-назорат ва тарғибот-тушунтириш ишлари олиб борилганига қарамасдан, пиёдалар иштирокида содир бўлган йўл-транспорт ҳодисалари сони йигирма тўрттани ташкил этиб, уларда тан жароҳати олганлар сони ўн олти нафардан ўн саккиз нафарга, ҳалок бўлганлар сони етти нафардан саккиз нафарга ошиб кетишига йўл қўйилган. Жумладан, Зарбдор

тумани ҳудудида ўтган йили жами ўн иккита йўл-транспорт ҳодисаси содир этилиб, беш нафар фуқаро ҳалок бўлган. Ун уч нафар фуқаро турли тан жароҳати олган бўлса, ушбу даврда пиёдалар иштирокидаги ҳодисалар сони саккизнани, ҳалок бўлганлар кититани ва тан жароҳати олганлар олтитани ташкил этгани ачинарли ҳолдир.

Белгиланган режага мувофиқ, ойлик тадбир жараёнида туман ҳокимлиги қошидаги ҳаракат хавфсизлигини таъминлаш комиссияси, маҳалла фуқаролар йиғинлари, йўл-коммунал идоралари, туман халқ таълими бўлими, «Камолот» ЁИХ ҳудудий кенгашлари билан ҳамкорликда ойлик доирасида тарғибот ишлари олиб борилди. Кўргазмалар, паннолар, шюрлар тайёрлаб ўрнатилди. Йўл ҳаракати қатнашчилари томонидан йўл ҳаракати қоидаларига риоя этилишини ўрганиш ва назорат

қилиш мақсадида автотранспорт воситаларининг ҳаракат хавфсизлиги муҳандислари, маҳалла посбонлари, тиббиёт ходимлари ва оммавий ахборот воситалари вакиллари иборат махсус гуруҳлар тузилиб, рейдлар ўтказилди. Қоидаларга қатъий амал қилиш юзасидан назорат кучайтирилиб, бу борада профилактика инспекторлари томонидан амалга оширилаётган чора-тадбирлар муҳокама қилиб борилди. Пиёдалар йўлаклари, ер ости ўтиш жойлари, пиёдалар ўтиш жойларининг чизиклари ва бошқа йўл белгиларининг мавжудлиги ҳамда ҳолати текширилиб, зарур бўлса, уларни қуриш, ўрнатиш ва чиқиш, эскиларини янгилаш юзасидан туман ҳокимлигига тақдимномалар киритилди.

Шамсиддин ЗОИРОВ, Зарбдор туман ИИБ йўл ҳаракати хавфсизлиги гуруҳи катта инспектори, сержант

«Кулгидан қўймасин», «Кулинг, умрингиз узаяди», «Яхши кайфият билан бошланган кун бароридан келади», деган гапларни ҳаётимизда тез-тез ишлатамиз.

Бир дунё кулги

Баъзида тушкун кайфиятимизни ўзимиз минг уринсак-да, кўтаролмаймиз. Аммо бир чимдимгина кулги уни кўтариб юбориши мумкин (бизга билдирмай). Ҳатто ҳар қандай тажанг одам ҳам кулгидан офтобда қолган мумдай эриб кетиши аниқ. Бу — кулгининг таъсири билан-да, албатта! Қисқаси, кулги — кучли!

Фақатгина алоҳида инсонларни — хоҳловчиларни (улар узоқ умр кўришни, маданий ҳордиқ чиқаришни, маънавий озуқа олишни яхши биладиган инсонлар бўлиши керак) таниқли кулги устаси, Эргаш Каримов номидаги кулги театри ташкилотчиси Шерали Ҳожиёв (Мўтти, дейсизми — ҳа, адашмадингиз) ўзининг «Бир дунё кулги» деб номланган дастурини кўришга таклиф этади. Шунингдек, дастурда эстрада хонандаси Гули Асалхўжаева ҳамда... энг қизиғи, кутилмаган меҳмон ҳам ташриф буоради.

Кутилмаган меҳмонни кўришга қизиқаяпсизми, унда дастур қаерда, қачон эканлигини эслаб қолинг: 18 апрель куни пойтахтимиздаги «Туркистон» саройида.

Бир дунё кулги — ҳаммага етади!

Майсара НАЗАРОВА

YON DAFTARCHANGIZGA

Бадқирдорлар билан ошноликдан тийилиш керак, акс ҳолда эл наздида уларнинг номаъқул ишларига шерик саналиб қолиш ҳеч гап эмас.

Эзоп